



SVEUČILIŠTE / UNIVERZITET "VITEZ"

VITEZ

Poslovni centar Vitez 96-2 , Vitez

Rektorat; Poslovni centar Vitez 96-2, Vitez

Menadžment ,Finansijska služba; Školska 23, 72270 Travnik, Bosna i Hercegovina ;

Studentska služba i Nastavna služba; Školska 23 72270 Travnik, Bosna i Hercegovina,

www.unvi.edu.ba

PRAVILNIK

o uvjetima za izvođenje praktične
nastave na Fakultetu zdravstvene njege

Na osnovu člana 128. i 185. Statuta Sveučilišta/Univerziteta „VITEZ“ Vitez, Senat Sveučilišta/Univerziteta na svojoj 30. sjednici održanoj dana 15.10.2012. godine donosi sljedeći:

PRAVILNIK
o uvjetima za izvođenje praktične nastave
na Fakultetu zdravstvene njege

Član 1.

Ovim Pravilnikom utvrđuju se uvjeti za izvođenje praktičnog dijela nastave u zdravstvenim ustanovama koje sudjeluju u izvođenju obrazovnog programa za studente Fakulteta zdravstvene njege, Sveučilišta/Univerziteta „VITEZ“ Vitez u daljem tekstu: (Sveučilište/Univerzitet)

Član 2.

Fakultet zdravstvene njege je organizaciona jedinica Sveučilišta/Univerziteta „VITEZ“ Vitez, a na osnovu sporazuma s zdravstvenim ustanovama studenti izvođe praktični dio nastave, kako je to predviđeno Statutom i Pravilima Sveučilišta/Univerziteta „VITEZ“ Vitez.

Član 3.

Zdravstvena ustanova u kojoj će se izvoditi praktična nastava može biti samo ona organizacija zdravstva (ili njezin dio) u kojoj se provodi vrhunski stručni rad u praksi, koja kao svoju redovitu djelatnost organizirano provodi znanstvena istraživanja u području zdravstva, koja podstiče stručnu i znanstvenu izdavačku djelatnost.

Član 4.

Opći uvjeti za izvođenje praktične nastave u zdravstvenoj ustanovi su nastavna potreba za obrazovanjem studenata Fakulteta zdravstvene njege I ciklusa studiranja.

Praktična nastava bi se izvodila u skladu sa Nastavnim planom i programom tokom semestra i obuhvatala bi stručne predmete na svim smjerovima.

Član 5.

Posebni uvjeti za izvođenje praktične nastave dodiplomski i postdiplomski studija bi vodilo odgovarajuće stručno osoblje Zdravstvenih ustanova a koje bi ispunjavalo sljedeće:

- a) pedagoški kriteriji
- pedagoški standardi o veličini nastavnih grupa za pojedine oblike vježbi u odnosu na raspoloživ prostor;

b) stručni kriteriji

- odgovarajuća razina stručnog rada i osposobljenost voditelja za vođenje praktičnih vježbi;

c) odgovarajući prostor i oprema

- raspolaganjem sa adekvatnom opremom i prostorom za uspješnu realizaciju praktičnih vježbi

Član 6.

Osoblje Zdravstvenih ustanova bi bilo zaduženo za praćenje i provođenje praktične nastave studenata Fakulteta zdravstvene njege, te o tome bi se vodila evidencija, odnosno knjižice praktične nastave.

U knjižici praktične nastave bi bili unešeni svi radni zadatci koji su studenti uspješno ili neuspješno obavili.

Knjižnica će sadržavati naziv odjela gdje je zadatak obavljen, ime odgovorne osobe i bodove koje je student prikupio obavljajući određene poslove.

Ova knjižnica bi bila uslov za pristupanje ferijalnoj praksi i polaganju ispita.

Član 7.

Danom primjene ovog Pravilnika prestaje da važi Pravilnik o uvjetima za izvođenje praktične nastave na Fakultetu zdravstvene njege od 29.03.2011.godine.

Član 8.

Ovaj pravilnik stupa na snagu osmim danom od dana objavljivanja na oglasnoj ploči Sveučilišta/Univerziteta.

Predsjednik Senata
Prof. dr Nikola Grabovac, rektor

Broj:

Datum: 25.X.2012